



Ils purs e producents da La Cavagne gudognan quest onn il Prix montagne. Il president da la giuria Bernhard Russi ha surdà ier a Berna il premi dotà cun 40 000 francs.

MAD

Il Prix montagne va en il Vallais

■ **(anr/vi) Ils purs e producents da La Cavagne gudognan quest onn il Prix montagne. Il president da la giuria Bernhard Russi ha surdà ier a Berna il premi dotà cun 40 000 francs.** Cun s'unir en la cooperativa La Cavagne èsi gartegià als producents da la Val d'Illeiez da commercialisar bain lur products regiunals, scrivan ils organisateurs dal premi. En in'atgna stizun vendan ils purs las spezialitads da chaschiel e da charn ch'èn uschè tschertgadas ch'ins ha gia pudì

avrir ina segunda stizun. «Nus avain dà als producents en Val d'Illeiez ina perspectiva», di il president da la cooperativa *Serge Mariétan*. «Jau sun losch sin questa prestaziun e m'allegr che nus vegnin undrads.» La stizun da La Cavagne fa ina svieuta annuala d'in milliun francs ed occupa sis persunas. Rarund 40 producents pon profitar e vender direct lur spezialitads.

L'ovra communaivla da La Cavagne haja character da model e mussia ch'ins

possia avair success cun engaschi e cun buns products en la regiun da muntogna, di *Bernhard Russi*.

Gia per la quarta giada premieschan l'Agid svizzer per la muntogna e la Grappa svizra per las regiuns da muntogna in project. Quest onn hai dà 20 participants. Tranter ils sis nominads sa chatta van gist trais projects ord il Grischun: la clinica alpina a Scuol, l'erboristeria biologica Raselli da Le Prese ed il pur da tartuffels biologics a Filisur.